



特別
125
3537
4





重修揚州府志卷之五

建置沿革志

揚州之名助於禹貢廣陵其境內地連海濱故稱揚州  
州刺史以廣陵國為徐州自是揚州以治歷陽或治  
存或治建業或治建康或治會稽皆於廣陵無創始  
皇九年揚州始治廣陵其武始何又徙開州至九年  
廣陵繼此乃不復遷改至其開城之分合屬仍之  
又代有不同蓋以六朝論之其建康而後建業  
治諸吳故夫實蓋多茲特分條誌之而附考辨  
人得以觀焉

特

門 几 5  
號 3537  
卷 4

重修揚州府志卷之五

建置沿革志

揚州之名昉於禹貢廣陵其境內地也漢武帝置十三州刺史以廣陵國屬徐州自是揚州或治歷陽或治壽春或治建業或治建康或治會稽皆於廣陵無預隋開皇九年揚州始治廣陵唐武德初又徙潤州至九年還廣陵繼此乃不復遷改至其疆域之分合屬邑之廢置又代有不同益以六朝僑郡之名遂致棼而難理舊志沿譌襲故失實滋多茲特分條釐正間附考辨使後之人得以觀焉



古揚州為唐九州虞十有二州之一分域最廣

揚州北距淮東南距海禹貢曰淮海惟揚州舜置十

二州揚州其一周禮職方曰東南曰揚州通典

今州僅漢廣陵一郡也

案後漢郡國志廣陵郡領十一城尙應補海陵一城

詳泰州沿革今江都以下諸縣俱在所轄之內與卽今儀

徵平安卽今寶應海陵卽今泰州東臺海陵鹽漬之

間卽今興化射陽東陽皆與寶應地壤相錯江都高

郵則猶仍舊名也十一城詳後

廣陵之名至周末始著

敬王三十四年吳城邗溝通江淮邗廣陵地也時屬吳

國案左傳當以邗字絕句溝既成因名邗溝亦曰邗溟溝

哀公九年左傳注云於邗江築城穿溝東北通射陽

湖西北至末口入淮通糧道也今廣陵邗溝是杜預注

案吳時所城曰邗尚無廣陵之名

元王三年越并吳地入於越

哀公二十二年冬十一月丁卯越滅吳左傳案史記六國表作

元王四年據左傳則元王三年也攷國語吳越春秋並同左傳當以三年為正

顯王三十五年楚并越盡取吳舊地後因置廣陵

越釋齊而伐楚楚威王與兵伐之大敗越殺王無疆

盡取吳故地至浙江史記越世家 懷王槐十年城廣陵

史記六國表案 廣陵始見於此

舊志云楚置廣陵縣是時楚雖有縣公置縣無據

秦王政二十四年并楚地入於秦既稱帝分天下為三

十六郡廣陵屬九江郡

秦滅楚廣陵屬九江郡通典

漢高帝元年項羽稱西楚霸王廣陵屬楚史記秦楚之際月表義帝

元年二月項羽都彭城一本又云都江都攻諸書無羽都江都之事殆傳刻誤

舊志云高帝元年廣陵為東陽郡語本水經淮水篇

注案項羽本紀召平徇廣陵未能下陳嬰已下東陽

蓋廣陵與東陽本各自為地東陽乃秦故縣也晉書

地理志徐州禹貢海岱及淮之地秦兼天下以置泗

水薛琅琊三郡楚漢之間分置東陽郡是郡實因秦

縣而置又云武帝分沛東陽置臨淮郡據漢志臨淮

郡有東陽則是郡省而縣仍不廢也又云羊穆之為

青州刺史築東陽城而居之自元帝渡江於廣陵僑

置青州至是始置北青州鎮東陽城晉書謝元傳元

次彭城求解職詔還鎮淮陰元遇疾自陳又使移鎮

東陽城元上疏云陛下體臣疾重使還藩淮側則東

陽城當更在淮陰南境可知方輿紀要云淮陰廢縣

在山陽西北四十里楚漢間爲東陽郡治其言固有據也水經泗水篇注引文穎之言謂東陽郡治今下邳是也此祇據武帝改東陽爲臨淮明帝改臨淮爲下邳遂謂置郡在彼不知晉時故城尚在有可攷而得者漢書吳王濞傳云下邳時聞吳反皆城守如是東陽郡則在吳封境之內故知東陽必不北至下邳也晉書荀羨傳云北鎮淮陰屯田於東陽之石鼈石鼈今寶應地則郡乃在清河寶應之間與廣陵接壤漢初九江旣封黥布或割廣陵屬之東陽然東陽郡至武帝始廢而荆吳建國乃皆稱吳無及東陽者晉

志言武帝分沛東陽置臨淮郡所屬二十九城其南境諸縣必皆先時東陽郡矣而史漢絕無文可據則酈氏之言亦無確證竊疑當時東陽置郡所得不過近淮數縣卽晉志亦祇言其大略酈氏泗水注引晉灼曰東陽本屬臨淮郡後分屬廣陵故張晏曰東陽郡今廣陵郡也則又據郡國志而其言已自相抵牾矣

五年平楚更立齊王韓信爲楚王郡屬之

齊王信習楚風俗更立爲楚王王淮北都下邳

漢書高帝

紀

六年廢楚王信爲淮陰侯分其地爲二國以故東陽郡

鄣郡吳郡五十三縣立從父兄賈爲荆王王淮東是爲

荆國漢書諸侯王表以賈爲高祖從父弟今從本傳

劉攽云東陽鄣吳皆非秦郡其言有誤鄣郡秦置見地理志丹陽郡下東陽吳郡則楚漢時置耳

舊志云荆王都廣陵史記漢興以來諸侯王表則云

荆王都吳文穎漢書注吳郡本會稽也此直據後漢

順帝分會稽置吳郡爲言殊不足信攷史記灌嬰傳

嬰下東城歷陽渡江破吳郡遂定吳豫章會稽郡則

漢初自有吳郡與會稽各自爲郡明矣其疆域今不

可攷王伯厚以爲荆都吳在平江府者亦無實證以

當日事勢推之項梁初立義帝都盱眙項羽又自立

爲西楚霸王都彭城及漢滅項氏以義帝無後乃徙

韓信爲楚王都下邳在彭城盱眙二境之間迨信廢

國分爲二則以楚王交王淮西都彭城乃得羽之故

治也又以荆王賈王淮東正得義帝故地所封之東

陽郡卽在盱眙東也黥布反東擊賈賈走富陵爲布

軍所殺富陵在盱眙東北則其國都相近可知黥布

傳云東擊荆王賈賈走死盡劫其兵渡淮高祖紀荆

王吳王各傳大意相同攷黥布都六今舒城縣地其

東境則自歷陽至廣陵海陵皆是諸傳初無渡江擊

荆之文至布敗則云與百餘人走江南是荆之國都當在江北又可知漢書賈傳贊云以策為王鎮江淮之間然則大江以南特其巡屬高祖詔又云吳古之建國日者荆王兼有其地言兼有明非治故吳國此尤可以義推者貨殖傳云東海吳廣陵此東楚也衡山九江江南豫章長沙是南楚也漢初廣陵未置郡既不屬九江而水經注言東陽郡又未覈實則表言都吳殆是時吳郡跨江南北廣陵實度屬焉故薛公以布伐荆為東取吳而濞封後遂改稱吳國與舊志之言未可遽以為誤故仍之附攷辨焉

又案荆即楚也時分楚地為二故一為楚一為荆耳索隱引虞喜云賈封吳地而號荆王取陽羨荆山為義蓋出傳會

十一年英布反擊殺荆王劉賈十二年上破布軍立兄子濞為吳王改荆為吳國

淮南王黥布反東擊荆賈走富陵為布軍所殺史記劉賈

傳上患吳會稽輕悍無壯王填之諸子少乃立濞

於沛師古曰行沛而封濞也為吳王王三郡五十三城史記吳王濞傳

此正全得荆之故地

案漢書地理志廣陵國廣陵注云江都易王非廣陵



厲王胥皆都此初不言溲王伯厚因疑郡國志輿地  
 廣記言溲都廣陵之誤攷漢書江都王非傳云徙王  
 江都治吳故國師古曰治謂都之溲所居也則班書  
 實彼此互見志又云并得鄣郡而不得吳其於會稽  
 郡注則云景帝四年屬江都吳即會稽地其言已自  
 相抵牾攷晉書地理志云景帝封皇子非為江都王  
 并得鄣會稽郡而不得豫章與漢書溲傳吳有豫章  
 郡銅山即招致天下亡命者盜鑄錢文相應疑班志  
 吳下原有豫章字言不得吳之豫章耳有此晉志為  
 證益知孟堅之稱易王非厲王胥乃蒙溲國言之而

文義釋然矣傳寫闕脫語意遂不明附攷於此

韋昭漢書

注攷豫章為鄣郡蓋以豫章不在吳所封三郡內耳  
 今攷黥布都六所得九江廬江衡山豫章凡四郡布  
 誅後以封淮南厲王長死國除後十年文帝分其  
 地封長子安為淮南王勃為衡山王賜為廬江王淮  
 南即九江而獨無豫章則先時殆已畀吳矣溲始封  
 僅三郡伍被傳乃云受几杖而不朝王四郡之眾亦  
 其證也五行志亦云四郡

景帝三年徙汝南王非為江都王改吳為江都國

吳楚反時非年十五有材氣上書自請擊吳景帝賜

非將軍印擊吳吳已破徙王江都治故吳國

漢書江都王傳

武帝元狩六年立子胥為廣陵王改江都為廣陵國

六年夏四月乙巳廟立皇子胥為廣陵王初作誥

漢書

武帝紀 廣陵國高帝六年屬荆原有州字衍文 十一年屬吳

景帝四年更名江都武帝元狩三年更名廣陵領縣

四廣陵江都高郵平安莽改郡曰江平安曰杜鄉漢書地理志

案是時射陽東陽海陵與縣別屬臨淮郡

元封五年置十三州刺史廣陵國屬徐州部

後漢建武十八年罷州牧置刺史廣陵郡領縣十一屬

徐州刺史前漢刺史平帝時改牧

是歲罷州牧置刺史後漢書光武帝紀 外十有二州每州

刺史一人後漢百官志 廣陵郡十一城廣陵江都高郵

平安凌東陽射陽鹽瀆輿堂邑海西後漢書郡國志案此當脫海

陵詳泰州沿革

舊志云十八年改廣陵國為廣陵郡案廣陵自西漢

建國絕於王莽則建武十七年以前不復有國殆即

置郡矣

永平元年徙山陽王荆為廣陵王十四年封荆子元壽

為廣陵侯

顯宗徙封荆廣陵王遣之國十四年封荆子元壽為

廣陵侯服王璽綬食荆故國六縣後漢書廣陵思王傳

舊志云東漢建武十四年封荆王子元壽為廣陵侯

以永平為建武以山陽王荆為荆王舛誤甚矣

三國時廣陵為吳魏間隙地

江淮為戰爭之地其間不居者各數百里射陽海陵

高郵江都三國時廢

宋書州郡志

案黃初六年魏文帝幸廣陵故城臨江觀兵而還吳孫亮五鳳二年使衛尉馮朝城廣陵不就是時廣陵為二國邊竟彼此皆不能有故鄧艾屯田僅在石鼈孫權拒守特營濡須也通典云三國時為重鎮者誤辨見秩官志

舊志云建興二年屬吳史無此事乃承通典注之誤

以五鳳二年馮朝城廣陵為建興二年耳又云三年

復屬魏五鳳無三年二年後即改元太平是年孫峻

用文欽計將征魏先遣欽及呂據等自江都入淮泗

又遣孫憲以舟兵逆據於江都則不得有屬魏之事

也

晉武帝時置廣陵郡統縣八

晉太康元年既平孫氏凡增置郡國二十有三廣陵

郡統縣八淮陰射陽與海陽廣陵鹽瀆淮浦江都

晉書

地理志案海陽當

作海陵詳秦州沿革

三年廣陵太守治淮陰故城

後又治射陽江左治廣陵

宋書州郡志

案是時東陽高郵別屬臨淮郡

又案廣陵郡徙淮陰事在晉太康三年方輿紀要謂魏時徙未知何據

南渡後廣陵僑置青州

元帝渡江於廣陵僑置青州慕容超為劉裕所滅始置北青州鎮東陽城而以僑置者為南青州後省南青州而北青州直曰青州

晉書地理志

明帝時廣陵又僑置兗州後改為南兗州蘇峻反又移徐州治廣陵峻平後還鎮京口

明帝時郗鑒都督青兗二州諸軍事兗州刺史加領

徐州刺史鎮廣陵

晉書地理志

案元帝渡江之後徐州所得惟半是時幽冀青并兗五州及徐州之淮北流人相帥過江淮帝並僑立郡縣以司牧之江北僑立幽冀青并四州都督刺史常得兼領

安帝時分置海陵山陽二郡

義熙七年又分廣陵置海陵山陽二郡

晉書地理志海陵郡詳

秦州沿革

案晉時廣陵郡界北至淮陰實兼有臨淮郡地與漢不同

宋以江北為南兗州置廣陵太守統縣四

晉成帝立南兖州寄治京口文帝元嘉八年始割江  
淮間為境治廣陵二十八年徙治盱眙三十年省并  
南徐其後復立還治廣陵廣陵太守領縣四廣陵海  
陵高郵江都宋書州郡志案孝武即位復立南兖  
泗水後漢屬廣陵乃又臨淮郡下有廣陵令云前漢屬  
是凌縣傳刻誤耳  
案是時輿縣并入江都射陽東陽別屬臨淮郡

南齊建元四年分南兖州為五郡廣陵統縣五徙治海  
陵

南兖州鎮廣陵漢故王國有江都浦水魏文帝伐吳  
出此見江濤盛壯嘆曰天所以限南北也晉元帝過

江建興四年揚聲北討遣宣城公哀督徐兖二州鎮  
廣陵其後或還江南然立鎮自此始也明帝太寧三  
年郗鑒為兖州鎮廣陵後還京口是後兖州或治盱  
眙或治山陽桓元以桓宏為青州鎮廣陵義熙中青  
州徙山陽後還鎮京口晉末以廣陵控接三齊故青  
兖同鎮宋永初元年罷青并兖三年檀道濟始為南  
兖州廣陵因此為州鎮土甚平曠刺史每以秋月出  
海陵觀濤與京口對岸江之壯濶處也南齊書州郡志攷通鑑  
晉紀琅琊王哀鎮廣陵在建武元年晉書廣陵郡  
哀傳云督青徐兖三州諸軍事與此小異  
建元四年罷北淮陽北下海陵廣陵高郵江都齊寧  
邳北濟陰東莞四郡并

齊寧 永明元年置 同上

案永明七年別置安宜縣屬陽平郡

舊志以分五郡為建元二年據州郡志改正

梁因之北齊更南兖州為東廣州置廣陵江陽二郡陳太建中復曰南兖北周改為吳州隋開皇九年改吳州為揚州置總管府廢二郡大業元年廢總管府置江都郡統縣十六

江都郡統縣十六江陽

舊曰廣陵齊置廣陵江陽二郡開皇初郡廢十八年改縣

為邗江大業初更名江陽

江都海陵寧海高郵安宜山陽盱眙鹽

城清流全椒六合永福句容延陵曲阿

隋書地理志

案梁白侯景之亂廣陵入齊陳宣帝太建五年吳明徹帥師北伐廣陵復來歸因即以明徹為南兖州刺史十年明徹師敗見執明年周梁士彥攻廣陵自此又入於周

唐武德三年於潤州江寧縣置揚州以江都郡為兖州七年改邗州九年更置揚州統縣四貞觀元年分天下為十道揚州屬淮南道天寶元年改廣陵郡統縣七乾元元年復為揚州自後置淮南節度使同治揚州節度使領十一郡揚州領縣七

武德三年杜伏威歸國於江寧縣置揚州以隋江都

郡為兗州置東南道行臺七年改兗州為邗州九年

省江寧之揚州改邗州為揚州置大都督督越此字疑衍

揚和滁楚舒廬壽七州貞觀十年改大都督為都督

督揚滁常潤和宣歙七州龍朔二年升大都督府天

寶元年改為廣陵郡依舊大都督府乾元元年復為

揚州自後置淮南節度使親王為都督領使長史為

節度副大使知節度事恒以此為治所舊領縣四江

都六合海陵高郵天寶領縣七江都江陽六合海陵

高郵揚子天長舊唐書地理志天寶初置千秋縣七載改名天長

案唐初安宜亦隸兗州後改隸東楚州又隸倉州又

隸楚州肅宗時改名寶應舊唐書云武德四年臧君

安宜鹽城二縣又云武德四年置倉州領安宜一縣

七年州廢縣屬楚州殆初置東楚州即析置倉州也

舊志云以江都郡為南兗州攷舊唐書無南字

唐末楊行密為淮南節度使僭稱吳王都揚州改江都

府五代南唐徙都金陵稱揚州為東都又置泰州周以

揚州為大都督府

吳改江都府置興化縣南唐以海陵興化二縣屬泰

州周復為大都督節度文獻通攷南唐昇元元年以廣

陵為東都陸游南唐書

宋因之尋分揚州為五曰揚州真州泰州通州高郵軍

州州各有屬

揚州縣一江都南渡後增縣二廣陵泰興真州縣二  
一楊子六合泰州縣二海陵如皋高郵縣二高郵興化

宋史地理志通  
州非今屬故不錄

案是時寶應別隸楚州

又案文獻通攷云揚州領縣三江都廣陵天長泰州  
領縣四海陵興化泰興如皋真州領縣二永正六合  
高郵軍領縣二高郵興化與史文多不同蓋天長舊  
爲軍至道二年軍廢乃爲縣隸揚州建炎後復升軍  
後復爲縣別隸招信軍故史無之泰興舊隸泰州紹

興五年來屬十年又隸泰州十二年又來屬故史屬  
揚而通攷屬泰也興化舊隸揚州改隸泰州建炎四  
年隸高郵嗣是迭經改隸不離高泰故通考兩存之  
也唐楊子縣南唐改永正後復爲楊子則其實一也  
又太平寰宇記揚州三縣有六合無泰興六合於至  
道二年改屬真州疑不在屬內也

淳化四年分天下爲十道揚州屬淮南道至道二年又  
分天下爲十五路揚州爲淮南東路建炎元年升元帥  
府仍屬淮南東路

案宋淮南東路北宋州十軍二南渡州九軍四今州



共得揚泰真州三高郵軍一通州自元明及國初皆在州屬雍正三年始直隸江蘇布政司

元至元十三年置大都督府及江淮等處行中書省治揚州後改揚州路總管府又置淮東道宣慰司統本路十九年又省宣慰司置淮南行省後行省徙杭州復立宣慰司統本路并淮安二郡本路領高郵府及五州二十三年行中書省移治汴梁路後復立淮南行省高郵府自隸宣慰司

揚州路至元十三年初建大都督府置江淮等處行中書省十四年改爲揚州路總管府十五年置淮東道宣慰司本路屬焉十九年省宣慰司以本路總管府直隸行省二十一年行省移杭州復立宣慰司止統本路并淮安二郡而本路領高郵府及真滁通泰崇明五州二十三年行省復還宣慰司遂廢所屬如故後改立河南江北等處行中書省移治汴梁路復立淮東道宣慰司割出高郵府爲散府錄事司縣二江都泰興真州領二縣楊子六合泰州領二縣海陵如皋高郵府領三縣高郵興化寶應元史地理志滁通崇明非今屬皆不錄

舊志云領本路五州遺高郵府

明以元至正十七年取揚州置淮南翼元帥府尋置淮海府改維揚府復改揚州府直隸京師領高郵通泰州三江都泰興儀真如皋海門寶應興化六合崇明縣九洪武二十三年分六合屬應天崇明屬蘇州統州三縣七建府治於江都

揚州府元揚州路太祖丁酉年十月曰淮海府辛丑年十二月曰維揚府丙午年正月曰揚州府領州三縣七江都儀真泰興高郵州領縣二寶應興化泰州領縣一如皋通州領縣一海門

明史地理志

國朝因之隸江南省康熙十一年海門縣圯於海遂并入

通州後置海門廳統三州六縣雍正三年分通州直隸江南省以泰興如皋二縣屬之十年析江都置甘泉縣同治郭下乾隆三十三年析泰州置東臺縣今統高郵泰州二江都甘泉儀徵興化寶應東臺縣六江都縣附郭古廣陵地自秦楚至吳王濞皆無析置漢景帝四年徙封皇子非王故吳地更名曰江都武帝元狩二年江都國除三年更名廣陵六年更為廣陵國置廣陵縣倚郭又析置江都縣在府西南四十六里

廣陵國廣陵 江都易王非廣陵厲王胥皆都此莽曰安定 江都 有江水祠渠水首受

江北至射陽入湖 江都縣縣城臨江應劭地理風

俗記曰縣為一都之會故曰江都也水經注

後漢改廣陵國為廣陵郡縣隸之屬徐州

廣陵郡廣陵吳王濞所都江都有江水祠後漢書郡國志

三國時廣陵地虛江都城圯於水縣廢

建安十八年曹公恐江濱郡縣為權所畧徵令內移

民轉相驚自廬江九江斬春廣陵戶十餘萬皆東渡

江江西遂虛三國志孫權傳江都令三國時廢宋書州郡志

江都故城在今縣西南四十六里城臨江水今為水

所侵無復餘址太平寰宇記

案是時廣陵郡縣皆廢史文甚明然祇言民東渡江

耳方輿紀要乃云魏徙郡淮陰未知何據攷宋書州

郡志則徙淮陰在晉武太康三年也

又案舊志云廣陵縣亦廢此據宋書州郡志臨淮太

守下廣陵令三國時廢之文然此實是淩縣傳刻致

誤其廣陵太守下云廣陵令漢舊縣下已殘闕廢徙

皆不可知要之故城則已為墟故孫峻欲城之也

晉太康三年廣陵郡治淮陰故城六年復立江都南渡

後省入輿縣時又僑置肥如路真定新市四縣後并廣

陵

廣陵郡廣陵江都有江水祠晉書地理志廣陵郡舊屬徐州

太康三年治淮陰故城後又治射陽江左治廣陵廣

陵令廢置江都令三國時廢太康六年復立江左又

省并輿縣宋書州郡志永初郡國又有肥如路真定新

市四縣是晉末遼西僑郡省并廣陵也同上

案廣陵縣不知何時置宋志文闕據武帝紀咸寧元

年廣陵大風壞廬舍是在太康前矣又慕容德記桓

元將行篡逆廣陵相高雅之江都長張誕皆奔於德

是江左仍置江都史文亦不備

宋元嘉八年南兖州治廣陵十三年省輿縣入江都

廣陵太守領縣四廣陵令漢舊縣江都令江左省并

輿縣元嘉十三年復立永初郡國有輿前漢屬臨淮

後漢省臨淮屬廣陵元嘉十三年并江都也宋書州郡志

廣陵縣在揚州北一十八里本漢江都縣地宋武

帝析置太平寰宇記

案晉末尙有江都或桓元亂後始廢至元嘉中復立

耳又據樂史之言卽廣陵亦非晉故縣矣

齊省濟陰下邳淮陽東莞四僑郡置廣陵郡仍立廣陵

江都二縣又置齊寧縣尋廢梁因之

廣陵郡廣陵江都齊寧南齊書州郡志永明初置齊寧縣

在府東南六十里中興元年廢方輿紀要江都自梁及

隋或廢或置隋書地理志

案中興齊和帝年號舊志譌作梁又南史祖皓傳大同中為江都令是梁時尚置江都侯景之亂廣陵人於齊遂廢耳

北齊置廣陵江陽二郡仍置廣陵縣江都歷陳周隋時廢時置開皇初郡廢十八年改廣陵曰邗江大業初為江都郡治更名江陽與江都並立又立本化縣尋廢

江都郡江陽舊名廣陵後齊置廣陵江陽二郡隋開皇初郡廢改縣為邗江大業初更名江陽有江都宮江都隋書地理志江陽縣本漢江都縣以

在江之北故曰江陽太平御覽引圖經高齊為廣陵縣隋

初改為江陽太平御覽字記大業十一年分江陽又立本

化縣於郡南半邏合瀆渠今故城在西北一十八里

同江陽後省入江都輿地紀勝

案隋書裴蘊傳煬帝時有江陽長張惠紹是隋時江陽固未廢也不知何時省并

舊志云大業元年立江都郡改煬帝紀大業六年六月制江都太守秩同京尹置郡當在此年

唐貞觀時復置江陽縣在郭下與江都分理永淳元年又析置楊子縣

揚州廣陵郡江都東十一里有雷塘江陽貞觀十八年析江都縣置新唐書

地理志

江陽貞觀十八年置長史李操奏割瀆渠以

東九鄉復立

太平寰宇記

楊子永滄元年分江都縣置

舊唐書

地理志

唐末楊吳都揚州改江都府五代南唐以揚州為東都江都江陽二縣屬焉後改江陽曰廣陵

揚州吳改江都府廣陵唐江陽縣南唐改名

文獻通考

周以揚州為大都督府宋因之分揚州為五江都附揚州郭熙寧五年省廣陵縣入焉以城東南隅為治所南渡後復置廣陵縣

揚州廣陵郡縣一江都

熙寧五年省廣陵縣入焉

南渡後增廣陵

宋史地理志

案元史無廣陵不知何時廢皇輿表云當在宋末元初也

元揚州路領司一江都屬之

錄事司江都

倚郭元史地理志

順宗至元十九年置淮南行省於揚州路徙縣治北關外

明揚州府仍以江都附郭徙縣治河西街儒林坊

揚州府江都

倚郭元末廢太祖辛丑年復置明史地理志

國朝因之為揚州府江都縣雍正十年析縣西北境置甘

泉縣同治郭下

甘泉縣附郭與江都分理雍正十年析江都縣置先是九年五月兩江總督尹繼善疏言揚州府江都縣路當衝要事務殷繁附居府城幅員遼闊應增設一令分疆而治

上允其請遂析江都縣之西北境為甘泉縣以縣有甘泉山故名沿革已詳江都

儀徵縣春秋時吳地歷秦至漢初沿革已詳江都

案左傳襄公十四年楚子囊師於棠以伐吳棠今六合也則此為吳之邊竟

武帝置臨淮郡領二十九城是為輿縣地後漢屬廣陵郡

臨淮郡輿莽曰美德漢書地理志廣陵郡輿侯國故屬臨淮

後漢書郡國志輿廢縣在府西四十五里方輿紀要

案儀徵志云在廣陵江都之間攷太平寰宇記江都故城在今縣西南四十六里是時廣陵倚郭而江都在西今儀徵地又在西廣陵豈得越江都而理之也李善江賦注云赤岸在廣陵輿縣今儀徵東有赤岸山已入六合縣界則其地為輿縣可知矣

晉因之宋文帝時省入江都

廣陵郡輿晉書地理志

永初郡國有輿前漢屬臨淮後

漢省臨淮屬廣陵元嘉十三年并江都也宋書州郡志

南齊嘗於此置軍

高帝建元三年於白沙洲置一軍南齊書索虜傳

梁末地入北齊陳太建五年復入於陳十二年又入周

隋開皇時廣陵江陽二郡廢改廣陵縣為邗江大業初

又改江陽隸江都郡地屬之

江都郡江陽有楊子宮隋書地理志

唐永淳元年始置楊子縣縣本江陽之楊子鎮先是省

江陽入江都遂為江都地貞觀時復置江陽而地屬江

都不改至是立縣始與江都分

真州唐楊子縣之白沙鎮陸游入蜀記

五代吳楊溥閱舟師於白沙徐溫自金陵來覲因以白

沙為迎鑾鎮

真州本唐揚州楊子縣之白沙鎮南唐改迎鑾鎮文獻

通攷案迎鑾鎮乃楊吳時改稱南唐誤宋史亦同

南唐改楊子為永貞縣屬江都府周因之屬大都督府

宋乾德二年升迎鑾鎮為建安軍雍熙二年以永貞縣

來屬後復改永貞為楊子縣至道二年又以六合縣來

屬三年分天下為十五路建安軍隸淮南路大中祥符



六年陞建安軍為真州始以楊子為附郭皇祐三年分

淮南為東西二路真州隸淮南東路政和七年修九域

圖志賜名儀真郡建炎元年以真為軍州四年廢為縣

紹興初復為州十一年升軍州十二年廢為縣尋復舊

真州乾德二年升為建安軍至道二年以揚州之六

合來屬大中祥符六年為真州政和七年賜郡名儀

真建炎三年入於金尋復縣二楊子本揚州永正縣之白沙鎮南唐

改為迎鑾鎮建炎元年陞軍四年廢為縣紹興十一年復升軍十二年復為縣宋史地理志

升建安軍為真州鎔範聖像之地特建為儀真觀

寺長編

元初置真州安撫司隸行省尋改真州總管府至元二

十年省入楊子縣二十一年復為州隸揚州路統楊子

六合二縣

真州至元十三年初立安撫司十四年改真州路總

管府二十一年復為州隸揚州路領縣二楊子倚郭至元

二十一年省錄事司入焉六合元史地理志

明洪武二年改真州為儀真縣以楊子并入隸揚州其

州屬之六合改屬應天

儀真府西元真州治楊子縣洪武二年州廢改縣曰儀真明史地理志

國朝仍為儀真縣隸揚州府雍正元年改縣名曰儀徵

高郵州春秋時爲吳地後屬越戰國時屬楚秦并天下始於其地築臺置郵亭因名秦郵

高郵縣本漢舊縣是秦之高郵亭因以立名太平寰宇記

漢置高郵縣屬廣陵國後漢屬廣陵郡明帝時復置廣陵國地仍屬之

廣陵國高郵漢書地理志 廣陵郡高郵後漢書郡國志

三國時廢晉初復立屬臨淮郡

臨淮郡高郵晉書地理志 高郵令漢舊縣三國時廢晉

武帝太康元年復立宋書州郡志

南渡後於高郵之北阿鎮僑置幽州

晉孝武太元四年秦兵六萬圍幽州刺史田洛於三

阿去廣陵百里朝廷大震通鑑晉紀

宋屬廣陵郡秦豫初又置臨澤縣屬海陵郡南齊因之

廣陵太守領高郵宋書州郡志 廣陵郡高郵南齊書州郡志

臨澤明帝泰豫元年置宋書州郡志 臨澤廢縣在州東

北九十里方輿紀要

梁置廣業郡尋改爲神農郡又析高郵置竹塘三歸二縣

高郵梁析置竹塘三歸二縣及置廣業郡尋以有嘉

禾爲神農郡隋書地理志

案南齊書崔慧景傳有竹塘人萬副兒此竹塘當是建康地名齊時尚無此縣也

梁末地入北齊陳太建五年復入於陳屬秦郡隸譙州七年還隸南兖州十一年又入於北齊

太建七年三月以秦郡屬之盱眙神農二郡還隸南兖州五月割譙州之秦郡還隸南兖州

陳書宣帝紀

隋開皇初廢郡又并竹塘三歸臨澤三縣入高郵屬揚

州大業初屬江都郡

高郵州志云隋屬徐州蓋隋書以各州隸郡縣之後纂者誤以前文

徐州屬下江都郡遂有此謬

江都郡高郵

神農郡開皇初廢又并竹塘三歸臨澤三縣入焉隋書地理志

唐高郵縣屬揚州又析置天長縣

高郵漢縣屬廣陵國至隋不改武德三年屬兖州州

改仍舊天寶元年割江都高郵六合置千秋縣七載

改爲天長

舊唐書地理志

宋開寶四年置高郵軍熙寧五年軍罷爲縣仍屬揚州

元祐初復置軍建炎四年升承州割泰州之興化來屬

紹興五年廢爲縣復隸揚州三十一年復置軍領高郵

興化二縣

高郵軍開寶四年以揚州高郵縣爲軍熙寧五年廢

爲縣隸揚州元祐元年復爲軍建炎四年升承州割

泰州興化縣來屬置鎮撫使紹興五年廢為縣復隸

揚州以知縣兼軍事使三十一年復為軍仍以興化

來屬縣二高郵興化宋史地理志高郵軍本揚州高郵

縣晉太康中復立隋大業中移於樊梁鎮永徽二年

復舊所開寶四年建為軍仍以縣隸焉直屬京師太平

寰宇記

元初置高郵路改高郵府領高郵興化寶應三縣屬揚

州路後為散府自隸淮東道宣慰司至正十三年張士

誠據高郵至丙午明克之廢府

高郵府唐為縣宋升為軍元至元十四年升為高郵

路總管府領錄事司及高郵興化二縣二十年廢安

宜府為寶應縣來屬又并錄事司改高郵路為府屬

揚州路今隸宣慰司領縣三高郵興化寶應元史地理志

洪武元年降為州隸揚州府領興化寶應二縣

高郵州洪武元年閏七月降為州以州治高郵縣省

入西有運河西北有樊梁巖社新開等湖西南有白

馬塘北有張家溝東北有時堡二巡檢司又西有

北阿鎮東有領縣二寶應興化明史地理志

國朝因之為揚州府高郵州領縣二興化寶應後二縣又

自隸揚州府高郵遂同散州

興化縣周秦以前無攷相傳戰國時楚將昭陽食邑今

土人尙廟祀之其地東抵海北控鹽瀆南接海陵皆前漢臨淮郡地西界高郵則廣陵國也高祖分楚地爲二自淮陰以南皆以封荆至吳王濞咸隸焉

案淮陰漢東陽郡也史記吳王濞傳云西涉淮因并楚兵知淮陰以南皆在所封五十三縣之內鹽瀆今鹽城海陵今泰州地居二邑之間

後漢臨淮郡廢鹽瀆海陵二縣皆改隸廣陵地亦屬廣陵郡

廣陵郡鹽瀆故屬臨淮

後漢書郡國志

案志

三國時廣陵郡縣皆廢地亦廢而不居

廣陵太守領海陵令前漢屬臨淮後漢晉屬廣陵三國時廢晉太康元年復立山陽太守領鹽城令舊曰鹽瀆前漢屬臨淮後漢晉屬廣陵三國時廢晉太康

二年復立

宋書州郡志

晉復置海陽鹽瀆二縣仍隸廣陵地屬廣陵郡

廣陵郡海陽

有江海會祠

鹽瀆

晉書地理志

案海陽當作海陵詳泰州沿革

歷宋至周建置無攷隋大業時鹽城海陵皆隸江都地屬江都郡

江都郡海陵

梁置海陵郡

鹽城

後齊置射陽郡隋書地理志

唐時爲海陵縣地

興化縣唐海陵縣之昭陽鎮

方輿紀要 案一統志 載興化三鎮 海陵亭安豐

芙蓉無昭陽鎮名縣志亦無之未知顧氏何據攷寰宇記云吳改招遠場為興化縣疑昭陽乃招遠之譌

楊吳始置興化縣屬江都府南唐屬泰州

吳改江都府置興化縣南唐以海陵興化二縣屬泰

州

文獻通攷 興化縣本海陵縣地偽吳武義中析為招

遠場尋改興化縣屬揚州

太平寰宇記

宋初屬泰州建炎四年割屬高郵軍紹興五年廢為鎮

十九年復縣隸泰州乾道二年復隸高郵尋又隸泰州

淳熙初復舊

高郵軍興化

舊隸揚州改隸泰州建炎四年來隸紹興五年廢為鎮十九年復縣隸泰州乾

道二年還隸尋又隸泰州淳熙四年復舊 宋史地理志

元時升高郵路總管府後又改為高郵府興化屬焉

高郵府興化

元史地理志

明高郵降為州隸揚州府縣仍屬之

洪武元年降州以高郵縣省入領興化

州東南有運河東有得勝

湖明史地理志

國朝因之為揚州府高郵州興化縣後縣又自屬府

案興化寶應二縣雍正志尚屬高郵州隸揚州府其

自屬府當在此後然高郵志修於乾隆四十八年已

失查載當俟攷補

寶應縣春秋時吳地吳亡屬越戰國時屬楚後為秦并漢初為東陽射陽二縣地

舊志云秦時屬九江郡語本通典案漢高六年以東陽郡封劉賈以射陽封劉纏今石鼈在縣西境乃東陽地射陽在縣東境則劉纏所封武帝分沛東陽置臨淮郡二縣皆屬之知射陽不離二郡矣晉書言秦置泗水薛琅琊三郡楚漢間分置東陽郡後又改泗水為沛是沛東陽皆秦泗水不得南及九江殆晉志祇言其大略與

後建廣陵國置平安縣後漢屬廣陵郡案縣當分射陽置其屬東陽者

如故至隋始并入

廣陵國平安莽曰杜鄉漢書地理志 廣陵郡平安後漢書郡國志

寶應縣本安宜縣即漢之平安縣地屬廣陵郡太平御覽

引圖 淮陰郡安宜漢平安縣地魏鄧艾築石鼈城

在今縣西八十里通典

晉時縣省入射陽仍為東陽射陽二縣地東陽屬臨淮郡射陽屬廣陵郡

臨淮郡東陽廣陵郡射陽晉書地理志 荀羨北鎮淮陰

屯田於東陽之石鼈晉書羨本傳

舊志云晉縣省地入射陽以縣有射陽湖射陽鎮射

陽阜為證然地本漢射陽侯國則宜有是名不足以定縣之省并惟白水陂入山陽可證詳下文

安帝時廢射陽置山陽縣地又錯入山陽屬山陽郡宋因之

拓跋燾自廣陵北返山陽太守蕭僧珍斂百姓入城

有白水陂去郡數里僧珍逆下諸處水注令滿須賊

至灌之宋書索虜傳山陽令射陽縣境地名山陽與郡

俱立宋書州郡志

案白水陂今在寶應境是時屬山陽也

南齊置安宜縣屬陽平郡

陽平郡寄治山陽安宜南齊書州郡志安宜溪在縣界古安宜

邑因此溪為名太平寰宇記

舊志云漢末改曰安宜語本方輿紀要然攷諸書皆

云安宜漢平安縣不言漢改安宜也安宜之名實始

於此

梁於安宜置陽平郡又置東莞郡歷齊周陳如故隋初

二郡皆廢又并石鼈入安宜縣屬江都郡

江都郡安宜梁置陽平郡又東莞郡開皇初郡廢又

廢石鼈縣入焉隋書地理志

舊志云侯景叛改陽平為北滄州後縣入北齊於此



置臨杜郡又改縣曰安平案魏書地形志有臨杜郡  
安平縣屬涼州與安宜無涉蓋臨杜郡為杜鄉之譌  
安平為平安之譌置倉州為唐武德時事築石鼈則  
曹魏時事也語皆無據今刊去

唐武德四年置東楚州縣屬之尋於縣置倉州領安宜  
一縣七年州廢縣屬楚州上元三年更名寶應南唐因  
之

楚州武德四年臧君相歸附立為東楚州領山陽安  
宜鹽城三縣寶應漢平安縣武德四年置倉州領安  
宜一縣七年州廢縣屬楚州肅宗上元三年於此縣

得定國寶改為寶應

舊唐書地理志

宋寶應仍屬楚州寶慶三年升為州仍領寶應縣後又  
升為軍

寶慶三年升寶應縣為州縣如故

宋史地理志

寶應舊

為寶應軍

元史地理志

元至元十六年改安宜府二十年府廢仍曰寶應縣屬  
高郵府

高郵府寶應

志

舊為寶應軍至元十六年為安宜府二十年廢府為縣來屬本府元史地理志

明初高郵府降為州寶應屬之隸揚州府

高郵州寶應湖北西有運河又有汜光白馬射陽等湖南有槐樓鎮西南有衡陽二巡檢司

國朝因之為揚州府高郵州寶應縣今縣自屬府

陽 秦州周春秋時吳地後屬越戰國時屬楚或曰即楚海

陽 案戰國策蘇秦說楚威王楚地東有夏州海陽

秦屬九江郡漢置海陵縣屬臨淮郡

臨淮郡海陵有江海會祠莽曰亭

後漢屬廣陵郡

海陵令前漢屬臨淮後漢屬廣陵宋書州郡志

廣陵郡東陽故屬臨淮有長洲澤吳王渎太倉在此

縣多麋博物記曰十千為羣掘食草根其處成泥名曰麋畷種稻不耕而獲其收百倍又扶海洲上有草名蒚其實食之如大麥從七月稔熟民斂獲至冬乃訖名曰自然穀或曰禹餘糧 後漢書郡國志

案漢書枚乘傳轉粟西鄉不如海陵之倉海陵之名始此後因置縣據劉昭志乃在東陽縣境因攷宋書

州郡志云海陵令前漢屬臨淮後漢晉屬廣陵三國時廢今後漢志廣陵郡下並無海陵蓋傳寫有脫而

以海陵之長洲澤上綴東陽也三國志注孫策破劉繇別將於海陵又呂岱傳廣陵海陵人為郡縣吏在

獻帝建安時則後漢之有海陵且屬廣陵此其實證通典云東陽縣城在盱眙東以漢地攷之中隔射陽

高郵二縣豈能遠至海陵耶今以此二縣及興化北境之鹽濱射陽既皆改隸廣陵則縣地之隨隸可無區畫故依原志錄入

案舊志謂泰州東有秦漢時東陽廢縣此因郡國志而附會者漢東陽縣至南齊始廢其地址尚可考

三國時廢晉太康元年復立

廣陵郡海陽

有江海會祠  
晉書地理志

舊志云晉改海陽案宋書州郡志云太康元年復立不言改名則海陵為海陽祇是傳寫之訛不必曲為之說晉書簡文紀庾希反自海陵入京口毛瓌傳海

陵縣界地名青蒲皆不改之實證也太康元年舊志譌作二年今改正

義熙中分廣陵置海陵郡別治建陵縣宋因之海陵縣仍屬廣陵

廣陵太守領海陵令

宋書州郡志

案建陵今東臺縣境詳東臺沿革

南齊因之廣陵郡移治海陵

廣陵郡

建元四年罷北淮陽北下邳北濟陰東莞四郡并

海陵

南齊書州郡志

梁以海陵縣為海陵郡治至周因之隋初郡廢以縣屬揚州省建陵縣尋析置江浦縣大業初復省入屬江都

郡

江都郡海陵

梁置海陵郡開皇初郡廢又并建陵縣入尋析置江浦縣大業初省入新唐

書地理志

案梁時郡縣始并隋時郡廢存縣始隸江都郡

唐武德初置吳州於此改縣曰吳陵七年州廢縣復曰

海陵仍屬揚州景龍二年析海陵置海安縣開元十年

復省入先是海陵郡之臨江如皋皆并入寧海至唐又

并入海陵

揚州廣陵郡大都督府海陵

武德三年更名吳陵以縣置吳州七年州廢復

故名來屬景龍二年析置海安縣開元十年省有監官新唐書地理志

寧海晉安帝

置隋以如皋縣并入唐又省入海陵臨江亦晉安帝

置後周并入寧海

方輿紀要

楊吳乾貞年中立為制置院南唐昇元元年升泰州析

置泰興縣以揚州之興化楚州之鹽城二縣來屬又改

如皋場為縣並海陵五縣屬之

泰州本揚州海陵縣偽吳乾貞年中立為制置院偽

唐昇元元年升為泰州仍析海陵南五鄉為泰興縣

割楚州之鹽城縣改招遠場為縣至保大十年又割

如皋場為縣並隸泰州

太平寰宇記案寰宇記於興化縣下注云偽吳武義年

中析為招遠場尋改為興化縣屬揚州是場改為縣即今興化別無招遠縣也

周爲團練又分泰州置靜海軍宋爲泰州軍開寶九年以鹽城還屬楚州熙寧五年分淮南爲兩路泰州隸淮南東路靜海今通州故不載

泰州本唐揚州海陵縣南唐置州以揚州之興化楚州之鹽城二縣來屬周爲團練宋降爲軍事屬淮東路後復以鹽城屬楚州領縣四海陵興化泰興如皋文獻通攷

宣和四年以泰興屬揚州建炎四年以興化屬承州五年廢興化縣爲鎮十九年復爲興化縣隸泰州乾道二年仍以屬高郵自是所統惟海陵如皋二縣

泰州海陵郡本團練乾德五年降爲軍事建炎三年入於金尋復四年置通泰鎮撫使紹興十年移治泰興沙上時泰興隸海陵復舊治元領四縣紹興十二年割泰興隸揚州建炎四年又以興化隸高郵軍縣

二海陵如皋宋史地理志  
元因之隸揚州路

元至元十四年立泰州路總管府二十一年改爲州隸揚州路領二縣海陵如皋

明省海陵縣入州領如皋一縣屬揚州府  
泰州洪武初以州治海陵縣省入東濱海南濱江西有運河領縣

一如皋

國朝因之為揚州府泰州雍正三年以如皋分屬通州泰興時亦隨割

東臺縣本古海陵地前漢屬臨淮後漢屬廣陵三國西晉皆無析置

晉安帝時分廣陵地置海陵郡領縣五治建陵宋因之安帝分廣陵郡之建陵臨江如皋寧海蒲濤五縣置

山陽郡屬南兖州

晉書地理志

山陽當作海陵傳寫脫誤詳宋書志時與山陽同置

海陵太守晉安帝分廣陵置領縣六建陵臨江如

皋寧海蒲濤臨澤

宋書州郡志

臨澤宋初置餘皆晉安帝立

案建陵本東海郡屬縣晉義熙中僑置於此其廢縣在泰州東北七十里今東臺縣境

齊永明中增置齊昌海安二縣郡治如故

海陵郡建陵寧海如皋臨江蒲濤臨澤齊昌

永明元年置

海安

永明五年罷新郡并此縣度屬南齊書州郡志

梁移郡治海陵仍置建陵縣至周因之隋初縣省入海

陵屬江都郡

江都郡海陵

梁置海陵郡開皇初郡廢又并建陵縣入隋書地理志

唐末為楊吳地五代南唐置海陵監管鹽場八在東北者曰東臺場

海陵監煮鹽之務也南唐昇元元年置海陵縣為監  
 置泰州以轄其監管鹽場八南四場北四場太平寰宇記  
 宋開寶七年移監如皋置西溪鹽倉孝宗乾道七年罷  
 鹽倉置官鹽場

泰州如皋

開寶七年以海陵監移治宋史地理志

元因之明洪武元年置西溪鎮巡司正德十五年改置  
 泰州分司駐東臺場

國朝因之雍正元年置同知駐東臺鎮專轄下河水利乾  
 隆三十三年復省東臺同知置東臺縣先是三十二年  
 兩江總督高晉等奏揚州所屬之泰州地方瀕海襟江

民繁事劇請增設一令以資分理

允其請裁水利同知改設縣治

建置沿革表

唐	禹貢職方皆揚揚州州之域	揚州	揚州	揚州	揚州	揚州	揚州	揚州	揚州
虞	周封吳為吳地吳地	吳地	吳地	吳地	吳地	吳地	吳地	吳地	吳地
至	敬王三十四年吳城邗								
周	元王三年越并越地吳地入於越	越地	越地	越地	越地	越地	越地	越地	越地
	顯王三十五年楚地	楚地	楚地	楚地	楚地	楚地	楚地	楚地	楚地
	楚滅越地入於								
	楚始置廣陵								
	慎靚王二年楚								







晉

武帝太康三年廣陵縣同上  
置廣陵郡治淮晉初復  
陰後又治射陽立屬廣  
統縣八淮陰射陽郡  
陽與海陽廣陵江都縣  
鹽漬淮浦江都太康六

與縣屬高郵縣南境海射陽縣海陵縣  
廣陵郡武帝太康北境屬廣陵太康元地屬廣  
康元年鹽漬皆東陽縣年復立陵郡  
復立屬復立屬臨淮屬廣陵  
臨淮郡廣陵郡兼此二郡  
縣境

年復立  
屬廣陵  
郡

元帝南渡後廣陵縣同上  
陵郡還治廣陵時又僑謝安築  
又僑置青州明置肥如新城在都入  
帝時又僑置兗路真定此境內  
州蘇峻反又移新市四  
徐州治此峻平縣  
還鎮京口廣陵江都縣  
地控三齊故青晉末省  
兗同鎮都鑿為入與縣  
兗州桓宏為青

與縣晉時於高海陵縣射陽東海陵縣安帝時  
北阿鎮濱縣南地荀羨置海陵郡並立  
又僑置境地仍屯田於郡縣仍建陵縣  
幽州孝屬廣陵石龍在屬廣陵郡治之  
武帝太郡  
元四年  
符秦兵  
圍幽州  
刺史田  
東陽境  
安帝析  
射陽置  
山陽縣  
地又錯  
江如皋  
臨海浦

浴於三  
阿即此

入山陽  
境屬臨  
淮山陽  
二太守

宋

文帝割江淮間廣陵縣同上  
為境置南泰州省肥如時廣陵  
仍置廣陵太守路真定縣徙治  
領縣四廣陵海新市四城北在入江都  
陵高郵江都僑縣入此境內屬廣陵太守

江都縣武帝析太守

文帝元漢江都  
嘉十三地置  
年復立  
屬廣陵  
太守

齊

高帝時置南兗廣陵江同上  
州刺史治廣陵都二縣  
分郡五省濟陰並屬廣  
下郡淮陽東莞陵郡武

江都縣高郵縣海陵縣安宜縣海陵縣海陵郡  
地高帝屬廣陵北境鹽武帝永仍屬廣建陵縣  
建元三郡  
年嘗於  
城縣南明七年陵郡別  
境地時僑置陽置海陵時郡又

沈沿革

學

四僑郡置廣陵帝永明郡治海陵統縣元年又四海陵廣陵高置齊寧郵江都武帝又縣尋廢析置齊寧

此置軍

射陽僑平郡寄太守治增領齊置江南治山陽建陵縣昌海安以縣屬 二縣凡統縣八

梁

置南兖州廣陵廣陵江同上郡統縣如舊

並屬廣陵郡

江都縣析高郵海陵縣安宜縣移海陵建陵縣地屬廣陵縣置竹北境鹽移陽平郡治此屬海陵郡塘三歸城縣南郡治此屬之郡二縣又境地又僑置其領縣東莞郡如舊

北齊

改南兖州為東廣陵縣同上廣州置廣陵江屬廣陵郡陽二郡領縣無郡

或置自梁至齊或廢

廣陵縣神農郡海陵縣陽平郡海陵郡建陵縣地屬郡高郵縣北境鹽安宜縣海陵縣屬海陵郡及竹塘城縣南東莞郡三歸二境地

陳

宣帝太建五年廣陵縣同上復為南兖州郡時置二郡縣屬無攷

廣陵縣太建五年海陵縣陽平郡海陵郡建陵縣地屬郡年神農北境鹽安宜縣海陵縣屬海陵郡無攷郡屬譙城縣南東莞郡州七年境地

北周

改南兖州為吳廣陵縣同上州郡如故時置二郡縣屬無攷

廣陵縣神農郡海陵縣陽平郡海陵郡建陵縣地屬郡高郵竹北境鹽安宜縣海陵縣屬海陵郡無攷塘三歸城縣南東莞郡三縣境地

隋

文帝開皇九年廣陵縣同上改吳州為揚州開皇十總管府廢廣陵八年改江陽二郡大業名邗江元年又廢總管大業初府置江都郡統又名江縣十六江陽江陽與江都海陵寧海高都縣並

江陽縣神農郡海陵縣陽平郡東海陵郡建陵縣地屬郡廢又併北境鹽莞二郡廢仍置省入海宮在焉竹塘三城縣南皆廢仍海陵縣屬屬江都郡歸臨澤境地屬置安宜省建陵江都郡入高郵江都郡縣以廢縣入又石甌縣析置江都郡入焉屬浦縣大江都府業初仍

郵安宜山陽野屬江都  
貽鹽城清流全府  
椒六合永福句  
容延陵曲阿

唐

高祖武德三年江陽縣同上  
徙揚州治潤州先省入  
以江都郡為充江都貞  
州七年改邗州觀十八  
九年更置揚州年復析  
太宗貞觀元年江都置  
分天下為十道江陽同  
揚州屬淮南道在郭下  
元宗天寶元年天寶元  
改廣陵郡肅宗年又割  
乾元元年復舊江都六  
置揚州節度使合高郵  
領十一郡治江三縣置  
都揚州領縣七千秋縣  
江都江陽六合七年改  
海陵高郵楊子名天長

省入

江陽先高郵縣海陵縣  
省入江武德三地屬揚  
都遂為年屬充州  
江都地州州改  
貞觀時屬揚州  
復置江天寶初  
陽而地又析地  
屬江都置千秋  
如故高縣詳江  
宗永瀆都下  
元年始  
置揚子  
縣屬揚  
州

入海  
至唐又  
升寧海  
入海陵

楊吳五代

楊行密僭稱吳南唐改同上  
王都揚州改江江陽縣  
都府南唐徙金為廣陵  
陵以此為東都縣江都  
周置大都督府如故屬

江都府  
周因之  
屬大都  
督府

楊子縣高郵縣楊吳時寶應縣  
楊溥時楊吳時始置興屬楚州吳屬江地屬江  
以白沙屬江都化縣屬歷楊矣都府南都府南  
鎮為迎府南唐江都府南唐屬無改  
鑾鎮南屬東都南唐屬無改  
唐又改周屬大泰州周  
楊子縣都督府因之  
為永貞  
縣屬江  
都府周  
屬大都  
督府

興如皋  
興化鹽  
城周為  
團練州  
又析置  
靜海軍

宋

初仍周制後分神宗熙同上  
揚州為五日揚寧五年  
州泰州真州通省廣陵  
州高郵州各縣入江  
有屬太宗治化都治城  
四年分揚州屬東南隅  
淮南道至道二南渡後  
年又分揚州屬復置廣  
淮南東路高宗陵縣屬  
建炎元年升帥揚州  
府領縣三江都  
廣陵泰興

太祖乾太祖開興化縣寶應縣初改泰海陵縣  
德二年寶四年初屬泰初屬楚州為泰地屬泰  
升迎鑾於縣置州軍高州理宗州軍事州  
鎮為建高郵軍宗建炎寶慶三太祖開  
安軍太神宗熙四年升年升為寶九年  
宗雍熙五年高郵軍寶應州以鹽城  
二年復軍罷屬為承州領縣一屬楚州  
改承貞揚州哲割縣屬寶應後神宗熙  
為揚子宗元祐之紹興又改為寧五年  
屬之真中復置初廢為軍  
宗大中軍高宗鎮十九  
祥符六建炎四年復為  
年改真年升承縣屬泰  
州領縣州領縣州孝宗  
二楊子二高郵乾道二  
六合徽興化紹年又改  
宗政和興五年屬高郵  
七年賜州廢屬軍尋又  
名儀真揚州三隸泰州  
郡高宗十一年清熙四

是所統  
惟海陵  
如皋二  
縣

元

世祖至元十三初省廣元末行  
年置大都督府陵縣入省既置州安撫置高郵屬高郵六年改縣二海地屬泰  
及江淮行中書江都置徙江都司隸江路尋改府隸揚寶應軍陵如皋州  
省於揚州後更行省縣縣治北淮行省高郵府州路  
屬浙江又屬河屬焉後關外在尋改真隸揚州  
南行省順帝至屬江浙此境內州路至路領縣  
正十二年置淮行省又  
南行省於揚州屬汴梁  
路領縣二江都路至正  
泰興及真隸泰時屬淮

建炎元復置軍年復舊  
年以真領縣如  
為軍州故  
四年廢  
為縣紹  
興初復  
為州十  
三年廢  
為縣尋  
復舊

初置真至元中興化縣至元十泰州領海陵縣  
州安撫置高郵屬高郵六年改縣二海地屬泰  
司隸江路尋改府隸揚寶應軍陵如皋州  
淮行省高郵府州路  
尋改真隸揚州  
州路至路領縣  
元二十三高郵  
年省入興化寶  
楊子縣應元末  
二十一自隸淮

沿革

是

通崇明五州領南行省  
縣九楊子六合  
清流來安全椒  
海陵如皋靜海  
海門

年復為東宣慰  
州隸揚司  
州路

路

明

太祖初置淮海江都縣同上  
府又改淮揚府附郭治  
後改揚州府直河西街  
隸京師領三州儒林坊  
九縣洪武二十屬揚州  
二年分六合屬府  
應天崇明屬蘇  
州領高郵泰通  
三州凡縣七江  
都儀真泰興與  
化寶應如皋海  
門治江都

洪武二太祖初興化縣寶應縣  
年改真克高郵屬高郵屬高郵  
州為儀廢府洪州隸揚州隸揚  
真縣并武元年州府州隸揚  
楊子縣改高郵  
入屬揚州領縣  
州府二興化  
寶應隸  
揚州府  
一州如皋  
隸揚州

國朝

初因明制揚州江都縣江寧縣  
府隸江南布政雍正十雍正十  
使司領州三高年析西年析江  
郵泰通縣七江北境置都縣置  
都儀真泰興與甘泉縣  
化寶應如皋海同治郭  
門康熙十一年下屬揚  
海門并入通州州  
雍正三年分通  
州直隸江南省  
以泰興如皋二  
縣屬之十年析  
江都置甘泉縣  
同治郭下領州  
二縣五後又以  
興化寶應隸揚  
州府乾隆三十  
三年又分泰州  
置東臺縣今領  
州二縣六

儀真縣高郵州興化縣寶應縣泰州初東臺縣  
揚州府揚州府  
後縣改  
隸府遂  
為散州  
州後縣隸揚十三年  
州府雍正分泰州  
正三年置治東  
分如皋臺鎮屬  
屬通州揚州  
遂為散  
州

重修揚州府志卷之五

重修揚州府志

卷之五

沿革

四

項羽都江都考

儀徵劉文淇撰

前漢書地理志廣陵國高帝六年屬荆

毛本荆下衍州字非也荆謂劉

賈國非州名

十一年更屬吳景帝四年更名江都武帝元狩

三年更名廣陵領縣四廣陵江都高郵平安據志則江

都國乃景帝所立其以江都名國者以國有江都縣也

顧廣陵之名已見于史記六國表楚懷王十年城廣陵

此人所共知而江都之名景帝以前未之前聞今按史

記秦楚之際月表知江都之名項羽時已有此縣

太平實字

記謂漢景帝立江都遂

因國以立縣者非也月表分二十一格第一格載義

帝事第二第三格皆言項羽事第二格言諸侯尊懷王

重刊州府志 卷之五  
五  
爲義帝西楚伯項王籍始爲天下主命立十八王都彭城第三格言項籍自立爲西楚霸王都江都以下十八格分言十八王所都之地史記高祖本紀義帝元年正月項羽自立爲西楚霸王梁楚地九郡都彭城以下紀十八王所分之地四月兵罷戲下諸侯各就國項羽亦于是月出關使人徙義帝于長沙郴縣是義帝之徙郴縣亦在四月也項羽本紀亦言項王自立爲西楚霸王王九郡都彭城而月表第二格言項羽都彭城第三格言都江都者江都乃項羽初都之地也懷王初都盱台後從盱台之彭城項羽于義帝元年正月猶在關中分天下立諸將爲侯王是時雖有都彭城之意而懷王尚在彭城故先以都江都爲名羽本紀云漢之元年四月諸侯罷戲下各就國項王出之國使人徙義帝長沙郴縣是羽于四月始都彭城且懷王未徙彬縣之先彭城方爲懷王所都羽豈能與懷王共都一地此亦事理之顯然可見者故知江都爲項羽初都之地也羽雖未至江都然先議所都之地實在江都太史公于羽本紀直言都彭城不言都江都所以紀其實月表兼載都江都所以存其名此月表紀項羽事所以獨立二格一載都彭城一載都江都也此正史公體例之精若所都之



地無先後之分則月表不必立二格矣漢書異姓諸侯  
王表紀項羽事第立一格言都彭城從其略也必知廣  
陵江都爲項王所分之地者史記羽本紀謂羽王梁楚  
地漢書高祖本紀五年漢王與齊王言魏相國越期會  
擊楚至固陵不會漢王謂張良曰諸侯不從奈何張良  
曰楚兵且破未有分地其不至固宜今能取睢陽呂北  
至穀城皆呂王彭越從陳以東傅海與楚王信則楚易  
敗也從之羽旣死漢王下令曰楚地已定義帝無後欲  
存恤楚衆呂定其主齊王信習楚風俗更立爲楚王王  
淮北都下邳魏相國建成侯彭越勤勞魏民卑下士卒

常呂少擊衆數破楚軍其呂魏故地王之號曰梁王都  
定陶是以羽之楚地分信羽之梁地分越也高祖本紀  
六年冬十二月人告楚王信謀反執之上還至洛陽赦  
之春正月韓王信等奏請呂故東陽郡治廣陵鄆郡吳  
郡五十三縣立劉賈爲荆王呂碭郡薛郡郟郡三十六  
縣立弟文信君交爲楚王楚王交傳高祖六年旣廢楚  
王信分其地爲二國立賈爲荆王交爲楚王是又分韓  
信所封之楚爲二國而呂故東陽郡鄆郡吳郡卽會稽郡爲  
荆國也黥布傳布發兵反東擊荆荆王劉賈走死富陵  
高祖本紀十二年詔曰吳古之建國也日者荆王兼有

其地今死亡後朕欲復立吳王乃立沛侯濞為吳王吳  
王濞傳立濞為吳王王三郡五十三城所謂三郡五十  
三城者即賈所封之故東陽郡鄆郡吳郡五十三縣也  
江都易王傳初立為汝南王吳楚反時非自請擊吳吳  
已破徙王江都治吳故國子建有罪自殺地入于漢為  
廣陵郡廣陵厲王胥傳武帝元狩六年立為廣陵王前  
漢地理志廣陵下云江都易王非廣陵厲王胥皆都此  
由易王厲王而上溯之吳王濞所封之地因荆王賈賈  
因楚王信信因項羽有明徵矣灌嬰傳齊地已定使嬰  
別將擊楚將公杲于魯北破之前至下相呂東南僅取

慮徐度淮盡降其城邑至廣陵也蘇林曰別將兵屯廣陵  
從下相呂東南盡降城邑乃至廣陵皆平之則廣陵為項羽地尤為確證或

問曰廣陵為項羽地信已第前志云高帝六年屬荆不  
知未屬荆之前廣陵江都二縣究屬何郡曰是則水經  
注言之矣水經注淮水篇云淮陰縣有中瀆水首受江  
於廣陵郡之江都縣縣城臨江下云楚漢之間為東陽  
郡高祖六年為荆國十一年為吳然則廣陵江都二縣  
楚漢之間屬東陽郡太平寰宇記謂揚州在楚為九漢  
江郡地項羽以封英布者非也漢  
書地理志雖無東陽郡而高祖紀云呂故東陽郡鄆郡  
吳郡立劉賈為荆王是楚漢之間有東陽郡矣文穎注

東陽今下邳文穎後漢時人按後漢書郡國志下邳國武帝置爲臨淮郡是後漢之下邳郡卽前漢之臨淮郡亦卽楚漢之間東陽郡也前志臨淮郡有東陽縣焦氏里堂謂東陽郡自治廣陵廣陵爲附郡之縣東陽縣自在廣陵之東東陽郡不治東陽其論甚覈而項羽之都江都自來方志諸書皆未之及幸賴月表有此一語余故廣引史漢諸書證成其說似足以爲江都最先之故實矣又按史記貨殖列傳云夫自淮北沛陳汝南南郡此西楚也彭城以東東海吳廣陵此東楚也衡山九江江南豫章長沙是南楚也項羽本紀云項王自立爲西楚霸王王九郡都彭城孟康注云舊名江陵爲南楚吳爲東楚彭城爲西楚卽據貨殖傳而言羽自立爲西楚霸王都彭城而東海吳廣陵諸郡亦羽所分之地唐人咏廣陵者每以西楚稱之司空曙送鄭況往淮南詩云西楚見南關韓翃送友之揚州詩云綠樹叢垓下青蕪濶楚西咏揚州而專及羽事又嘉靖志載隋彭城閣引大業雜記注云舊爲彭城鄉煬帝因地以名閣揚州而有彭城鄉是皆因江都爲項羽地故有西楚彭城之稱也

項羽都江都跋

阮元撰

劉孟詹明經 文淇 作項羽都江都考據史記秦楚之際

月表第三格知項羽自立為西楚霸王都江都然則項

羽曾以江都為都是秦楚之間早有江都之名非始於

景帝矣此說甚為新異可喜及檢新揚州府志沿革建

置門有雙註云史記秦楚之際月表有項羽都彭城一

本又云都江都考諸書無羽都江都之事殆傳刻誤此

蓋嘉慶年間修志者見有無江都之本而致疑也 明人存正

揆所刻張守節正義本月表脫去都江都三字 余檢至此亦為之疑因思余家

文選樓有舊本史記檢之則是元中統二年連索隱之

板明明有都江都一事為之大快然則府志所云有江

都者古人之遺無者為妄人削去也元中統與宋理宗

時相值則與宋板無異 桓字缺筆世所習也 此書古色古香恐勝

於今單行索隱之處尚多俟再校之因復思古人如項

羽者滅秦封漢氣蓋一世快意之事正在為霸王都江

都之時而江都王者以項氏為最先乃此事黯然不彰

縣縣欲絕幸賴明眼人於旁行斜上蠅頭細書之月表

識別而出而又得此霉爛蠹蝕五百餘年之故紙為之

確證所以古本之可貴如此 庚子

重修揚州府志卷之六

星野志

十二次之分星紀吳越也

周禮保章氏注

星紀斗牽牛也

爾雅

昭二十二年吳伐越晉史墨曰越得歲而吳伐之釋者以為歲在星紀此星紀為越之分星而揚州之星土也

玉海

南斗牽牛吳越之分為揚州

甘石星經

玉衡第一星主徐州常以五子日候之壬子為廣陵

同上

斗江湖牽牛婺女揚州

史記天官書

二十八舍主十二州吳楚之疆候在熒惑占於烏衡同上

須女四星亦婺女天少府也南斗牽牛須女皆為星紀

於辰在丑越之分野而斗牛為吳之分野也史記正義

吳地斗分杼也漢書地理志

斗十度至女五度為星紀於辰在丑吳越分野費直周易分野

星圖

斗六度至須女二度謂之星紀大雪冬至居之吳越分

野蔡邕月令章句

自南斗十二度至須女七度為星紀於辰在丑吳越之

分野屬揚州晉書天文志

陳卓范蠡鬼谷先生張良諸葛亮譙周京房張衡並云

斗牽牛須女吳越揚州廣陵入牛八度同上

揚州於禹貢為淮海之地在天官自斗十二度至須女

七度為星紀於辰在丑吳越得其分野隋書地理志

淮南道蓋古揚州之域廣陵為星紀分唐書地理志

南斗牽牛星紀也初南斗九度餘千四十二秒十二太

中南斗二十四度終女四度自廬江九江負淮水南盡

臨淮廣陵至於東海星紀之分也南斗在雲漢下流當

淮海間為吳分同上天文志

天市垣二十二星在氏房心尾箕斗內宮之內東蕃十

一星南六曰吳越宋史天文志

淮南東西路蓋禹貢荆徐揚豫四州之域而揚州為多  
當南斗須女之分同上地理志

斗二十四度度至魁第四星去極一百十七度半在黃  
道外二度自南十二度至女七度為星紀於辰在丑吳  
之分天文機要鬼料竅

斗六星赤二十五度四度入丑於辰在丑星紀之次為  
磨蝎宮吳越之分野屬揚州天元玉麻

斗牛星紀吳越隸揚負淮水同上  
自斗十一度至婺女七一名須女曰星紀之次辰在丑

謂之赤奮若律中黃鍾斗建子今吳越分天原發微

南斗六星其魁第一星主吳觀象玩占

牛斗星曰星紀宮曰磨蝎時曰丑州曰揚歷代地理指掌圖

揚州北極出地三十三度元史天文志

星紀之次揚州之分同上

禹貢淮海惟揚州淮海之間皆州域也於天文自斗至

須女為星紀之次清類天文分野之書

牛斗在丑自斗三度至女一度屬吳越分揚州同上

上元太微垣上台第二星主荆揚中元紫微垣北極權

星主揚下元天市垣東垣第六星曰吳越五星熒惑星

主揚二十八宿屬牽牛星十二次舍屬星紀嘉靖志

斗三度至女一度屬吳越分揚州直隸應天府斗分星

紀之次揚州府高郵通泰三州皆斗分明史

揚州在虞夏時地廣而分野亦廣迨漢唐以後地析而

分野亦析其見于諸史書天文志及諸家言分野者如

此伏讀

欽定熱河志敬載

御製題毛晃禹貢指南詩注史記天官書二十八舍主十二州

引星經如云角亢鄭之分野之類乃以二十八宿主十

二州分配無餘此外更當何屬夫天無不覆星麗乎天

亦當無不照今十二州皆中國之地豈中國之外不在

此昭昭之內乎且其間有地少而星多亦有地多而星

少以天度地輿準之亦不均如井鬼為雍州陝西甘肅

皆是其道里之廣已非兩舍所能該而今拓地遠至伊

犁葉爾羌喀什噶爾較禹貢方隅幾倍蓰其地皆在甘

肅以外將以雍州兩星概之乎抑別有所分屬乎此又

理之難通者蓋分野之說本不足信而災祥則更隣於

讖緯皆非正道仰

聖諭之昭垂誠足以破千古拘墟之見而懸為正的矣且即以

舊說論之爾雅以尾屬大辰星與次已相遠漢代不知



歲差以節氣交宮分十二次之界其交宮又非當時實測後漢賈逵諸人始以史官所注冬夏至日躔所在正之於是十二次紛紛改定晉虞喜始知歲差宋何承天祖冲之隋劉焯等言之益詳唐初傅仁均始用歲差朝論不以爲然李淳風復去歲差不用及一行乃博考廣證分天自爲天歲自爲歲更以七宿之中分四象中位而著其分野然觀其區別各次與堯典春秋傳復時有出入明神宗時西法入中國以中氣過宮如日躔冬至即爲星紀宮之類而恒星既有歲進之差於是宮無定宿宿可以遞居各宮古法因之遞變再以恒星東移歲差五十秒積算之六千餘年之後南易而東西易而南萬二千餘年之後南易而北西易而東方位更而分野亦易是則分野以屬星分星以屬次即中土十二州之地前後已多參錯況大地之全乎茲故採綴舊說折衷

聖裁見

向來十二州分星之說不過天文家之沿襲附會加以占驗祿祥尤多恍惚非獨事難徵信亦理不能通耳今謹遵

欽定

熱河志體例畧載分野舊說及北極出地度數並日出入晝夜時刻用歐羅巴推日出入晝夜時刻法以半徑一千萬爲一率北極高度之正切線爲二率本日距緯度

重修揚州府志 卷之六 五  
之正切線爲三率求得四率爲卯酉前後赤道度之正  
弦檢表得日出入在卯酉前後赤道度乃以一度變爲  
四分十五分變爲一分春分前秋分後爲卯後酉前分  
以加卯正爲日出時刻以減酉正爲日入時刻春分後  
秋分前爲卯前酉後分以減卯正爲日出時刻以加酉  
正爲日入時刻自日出至日入爲晝刻與九十六刻相  
減餘爲夜刻日出入晝夜時刻以本處之北極高度立  
算實測得江南揚州府所屬州縣北極度數並日出入  
晝夜時刻如左

江都縣

北極出地三十二度二七〇〇

夏至日出寅正三刻七分日入戌初二刻晝五十九  
刻七分夜三十二刻

冬至日出辰初二刻日入申正二刻七分晝三十七  
刻夜五十九刻七分

甘泉縣

北極出地三十二度二七〇〇

夏至日出寅正三刻七分日入戌初二刻晝五十九  
刻七分夜三十二刻

冬至日出辰初二刻日入申正二刻七分晝三十七

刻夜五十九刻七分

儀徵縣

北極出地三十二度一九〇〇

夏至日出寅正三刻六分日入戌初一刻十四分晝

五十九刻六分夜三十一刻十四分

冬至日出辰初一刻十四分日入申正二刻六分晝

三十六刻十四分夜五十九刻六分

高郵州

北極出地三十二度四八三〇

夏至日出寅正三刻九分日入戌初二刻二分晝五

十九刻九分夜三十刻二分

冬至日出辰初二刻二分日入申正二刻九分晝二

十七刻二分夜五十九刻九分

興化縣

北極出地三十二度五七〇〇

夏至日出寅正三刻十一分日入戌初二刻四分晝

五十九刻十一分夜三十二刻四分

冬至日出辰初二刻四分日入申正二刻十一分晝

三十七刻四分夜五十九刻十一分

寶應縣

北極出地三十三度一五〇〇

夏至日出寅正三刻十四分日入戌初二刻七分晝

五十九刻十四分夜三十二刻七分

冬至日出辰初二刻七分日入申正二刻十四分晝

三十七刻七分夜五十九刻十四分

泰州

北極出地三十二度三〇二〇

夏至日出寅正三刻八分日入戌初二刻一分晝五

十九刻八分夜三十二刻一分

冬至日出辰初二刻一分日入申正二刻八分晝三

十七刻一分夜五十九刻八分

東臺縣

北極出地三十二度三〇二〇

夏至日出寅正三刻八分日入戌初二刻一分晝五

十九刻八分夜三十二刻一分

冬至日出辰初二刻一分日入申正二刻八分晝三

十七刻一分夜五十九刻八分

重修揚州府志卷之六

重修揚州府志卷之七

疆域志

揚州境東西二百二十五里南北一百六十七里西北至東京一千九百四十里西北至長安二千七百里東至海五百六里至泰州九十五里南至大江三十里渡江至潤州七十里西至滁州二百里北至楚州三百里東南至海四百里至泰興縣界八十里西南至和州三百六十里西北至泗州二百里東北至泰州鹽城縣三百六十里

太平寰宇記

泰州境東西一百七十里南北二百五十里新置州未

有至東西京及長安里數東至通州三百里西至揚州

廣陵界二十里南至大江七十五里北至楚州界四百

里東南至如皋赤岸鄉界一百三十里西北至高郵縣

城村界一百里東北至鹽城縣丁溪界二百里

同上

海陵鹽境東西一百九十里南北三百一十里東至通

州靜海縣界海岸西至泰州興化縣界南至泰興縣界

并江岸北至楚州鹽城縣界

同上

高郵軍境東西一百五十里南北七十里西北至東京

一千四百里西北至西京一千八百里東至泰州興化

縣九十五里西至天長軍一百一十里南至揚州一百

一十里北至楚州寶應縣一百一十五里東南至泰州

海陵縣一百五十里西南至揚州江都縣一百二十里

東北至楚州鹽城縣水路一百八十里西北至泗州盱

眙縣二百五十里

同上

建安軍境東西一百一十九里南北四十六里東至揚

州六十里西至揚州六合縣八十里南至大江一里北

至天長軍一百二十里東南至永貞縣寧鎮江口六十

五里東北至高郵軍一百八十里西北至泗州二百八

十里西南至和州二百五十里

同上

廣陵郡東京一千四百里東至本州界八十里自

界首至泰州一十八里西至本州界七十里自界首至

真州三江本浙本有里南至江四十五里北至本州

界一百五十里自界首至楚州一百四十里東南至本

州界四十八里自界首至潤州八里西南至本州界二

十五里自界首至真州三十五里東北至本州界八十

里自界首至泰州四十五里西北至本州界六十五里

自界首至泗州七十五里元豐九

海陵郡東京一千六百五十里東至海一百七里西至

本州界一十五里自界首至揚州一百里南至本州界

五十七里自界首至潤州八十里北至本州界一百六

十七里自界首至楚州三百二十里東南至本州界一

百九十五里自界首至通州六十里西南至本州界

十八里自界首至揚州九十八里東北至本州界二百

四十四里自界首至楚州三百二十里西北至本州界

二百三里自界首至楚州一百九十里同上

真州東京一千四百里東至本州界三十里自界首至

揚州三十里西至本州界一百二十里自界首至滁州

八十里南至本州界一百里自界首至江寧府一百二

十里北至本州界四十里自界首至泗州二百四十里

東南至本州界四十里自界首至揚州二十里西南至

本州界一百三十里自界首至和州一百二十里東北至本州界四十里自界首至揚州二十里西北至本州界一百四十里自界首至泗州一百四十里

同上

按揚州疆域見於古書而可據者惟太平寰宇記及元豐九域志其餘如大觀圖經寶祐惟揚志等書久經散佚不可得而攷矣

本府治境東至海南抵揚子江西抵鳳陽府天長縣界北抵淮安府山陽縣界廣五百五十里袤三百五里其東至海為路三百六十里南至江為路四十五里西至天長縣界為路一百二十里北至山陽縣界為路二百

八十里自府治至南京為水陸路俱二百四十五里至

京師為水陸路俱三千一百二十五里

嘉靖志

江都縣治在府城內西其地境東抵泰州斗門西抵本縣安州鄉南抵本縣瓜洲鎮北抵高郵州露筋廟廣一百九十里袤一百三十里其東至斗門為路九十里西至安州鄉為路一百里南至瓜洲鎮為路四十五里北至露筋廟為路九十里

同上

儀真縣治境在府城西七十五里其地東抵江都縣烏塘溝西抵六合縣褚家堡南抵揚子江濱黃泥灘北抵天長縣樊公店廣八十里袤七十里其東至烏塔溝為



路四十里西至褚家堡爲路四十里南至江濱黃泥灘  
爲路一十里北至樊公店爲路六十里同上

高郵州治境在府城北一百二十里其地東抵興化縣  
河口鎮西抵天長縣凌塘橋南抵江都縣露筋廟北抵寶  
應縣界首鎮廣一百六十里袤九十里其東至河口鎮  
爲路八十里西至凌塘橋爲路八十里南至露筋廟爲  
路三十里北至界首鎮爲路六十里同上

興化縣治境在高郵城東一百二十里其地東抵泰州  
丁溪場西抵高郵州河口鎮南抵泰州蚌涎河北抵淮  
安府鹽城縣界廣一百六十里袤九十五里其東至丁  
溪場爲路四十五里西至高郵州河口鎮爲路五十里  
南至蚌涎河爲路三十五里北至鹽城縣界爲路六十

里同上

寶應縣治境在高郵州城北一百二十里其地東抵鹽  
城縣射陽湖中流西抵盱眙縣衡陽村北抵山陽縣黃  
浦鎮南抵高郵州界首鎮廣二百四十里袤八十里其  
東至射陽中流爲路一百一十里西至衡陽村爲路一  
百三十里南至界首鎮爲路六十里北至黃浦鎮爲路  
二十里同上

泰州治境在府城東一百二十里其地東抵泰州拼茶

場西抵江都縣斗門南抵泰興縣廟灣北抵興化縣凌

亭廣一百三十里袤一百一十三里其東至拼茶場為

路二百一十里西至斗門為路三十里南至廟灣為路

四十里北至凌亭為路八十里同上

揚州府東至海三百六十里南渡江至鎮江府五十里

西至滁州二百六十里西北至鳳陽府泗州二百十里

北至淮安府三百二十里自府至京師二千三百二十

里至南京二百二十里方輿紀要

儀真縣府西七十五里西南渡江至應天府六十里西

北至泗州天長縣百二十里東南渡江至應天府句容

縣九十里同上

高郵州府東北百二十里北至淮安府二百十里西至

鳳陽府泗州二百里東南至泰州百五十里同上

寶應縣州北百二十里北至淮安府八十里西至泗州

盱眙縣百八十里西南至泗州天長縣百七十里同上

興化縣州東百二十里南至泰州百二十里北至淮安

府鹽城縣百十里同上

泰州府東百二十里東至海二百四十里東南至通州

二百九十四里西至高郵州百五十里南渡江至常州

府二百五十里同上

按太平寰宇記之揚州境元豐九域志之海陵郡嘉靖惟揚志讀史方輿紀要之本府治境皆統通州而言

揚州府在江蘇布政使司西北四百四十五里江寧府

東北二百十里康熙志云二百四十里雍正志云二百里東西距四百七十

里南北距三百里東至海岸通州如皋縣界三百六十

里西至江寧府六合縣界一百十里南至大江鎮江府

丹徒縣界四十里北至淮安府山陽縣界二百六十里

東南至通州泰興縣界八十里西南渡江至江寧府治

三百十里東北至海岸三百里西北至泗州盱眙縣界

二百五十一里自府治至

**京師**二千二百七十五里康熙志云三千一百二十五里雍正志云二千二百里

欽定大清一統志

江都縣附郭東西距一百里雍正志云八十里有奇南北距五十

里東至泰州界九十里西至城中甘泉縣界半里南至

大江鎮江府丹徒縣界四十里康熙志云四十五里北至甘泉縣

界十里東南至大江通州泰興縣界八十里西南至儀

徵縣界二十里東北至泰州界九十里西北至甘泉縣

界半里同上

甘泉縣附郭東西距六十一里南北距七十六里東至

江都縣界半里西至泗州天長縣界六十里南至江都

縣界半里北至高郵州界七十五里東南至江都縣界

一里乾隆縣志云三里西南至江寧府六合縣界九十里東北

至高郵州界九十里西北至天長縣界七十里同上

儀徵縣在府西南七十里康熙志云七十五里東西距八十里雍正

志云一百二十里南北距七十八里康熙志云七十里維東

至江都縣界四十里西至江寧府六合縣界四十里南

渡江至江寧府句容縣界十八里北至泗州天長縣界

六十里東南渡江至鎮江府丹徒縣治一百里西南渡

江至江寧府上元縣治一百二十五里東北至江都縣

界四十里西北至六合縣界五十里同上

高郵州在府東北一百二十里東西距二百里康熙志

並云一百六十里南北距九十里東至興化縣界八十里西至

泗州天長縣界一百二十里南至甘泉縣界三十里北

至寶應縣界六十里東南至泰州治二百五十里西南

至天長縣界八十里雍正志云五十里東北至淮安府鹽城縣

治二百四十里雍正志云一百二十里西北至泗州盱眙縣治二

百五十里同上

興化縣在府東北一百六十五里雍正志云一百七十里東西距

一百六十五里康熙志云九十五里南北距九十五里東至泰州

界一百二十里西至高郵州界四十五里南至泰州界  
三十五里北至淮安府鹽城縣界六十里東南至泰州  
界一百三里西南至江都縣治一百六十里東北至鹽  
城縣界一百二十里雍正志云六十里西北至寶應縣治一百  
六十里同上

寶應縣在府北二百四十里東西距一百九十里康熙志云

二百四十里南北距八十里東至淮安府鹽城縣界七十里

西至泗州盱眙縣界一百二十里南至高郵州界六十

里北至淮安府山陽縣界二十里東南至興化縣治一

百六十里西南至泗州天長縣治一百六十里東北至

鹽城縣治一百二十里西北至山陽縣治一百里同上

泰州在府東一百二十里東西距二百一十八里南北

距一百二十里東至東臺縣界六十里西至江都縣界

三十里南至通州泰興縣界三十里北至興化縣界九

十里東南至通州治三百里西南至江都縣界三十里

東北至東臺縣界三十里西北至高郵州治一百五十

里

東臺縣在府城東北二百四十里東西距二百十里南

北距一百六十里東至海一百二十里西至興化九十

里南至泰州七十里北至興化縣界四十里東南至通

州如皋縣界一百六十里西南至泰州界八十五里東  
北至淮安府鹽城縣界二百四十里西北至興化縣界  
四十里

重修揚州府志卷之七

